



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 2. An pecuniâ corruptus sit testis idoneus?

[urn:nbn:de:hbz:466:1-73001](#)

venire in negotiis ibi interdictis Regularibus, ut dicemus tit. 50.

§. 2.

An pecunia corruptus sit testis idoneus?

1537. **T**estis, cui pro actu testificandi pecunia, vel aequivalens datum, vel promissum est, censetur corruptus, hoc est, conductus, ut falsum testetur, ut diximus n. 1528. Hinc ejusmodi testis vel à parte adversa, vel Judice ex officio rejici potest, ac testimonium ejus non valet, c. s. b. t. ibi: *testes ad testimonium dandum non conducantur pretio;* & c. 8. eod. sed hic sermo est solum de prefisis paupertate; paupertas autem non est causa sufficiens repellendi testem à testimonio, si alias est persona honesta, V. Vivianum Tom. I. communium opinionum, l. 4. tit. 10. n. 136. pag. 527. & n. 417. pag. 563. quamvis paupertas faciat, ut quis non sit omni exceptione major; Rota in Ferentina Bubalarum 4. Julii 1618. coram bon. mem. Buratto, inter ejus decisiones impres. decis. 349. n. 1. & decis. 444. n. 1. apud Farinacium p. i. recentiorum. & c. fin. 14. q. 5. ubi ex D. Augustino dicitur: *Judex non debet vendere justum judicium, aut testis verum testimonium;* quia vendit Advocatus justum patrocinium, *Jurisperitus verum consilium.* Illi enim inter utramque partem ad examen adhibentur: isti ex una parte constunt. Cum autem iudicia, & testimonia, quae nec justa, nec vera vendenda sunt, iniqua & falsa venduntur: multò sceleratus utique pecunia sumitur, quia sceleratè etiam, quamvis à volentibus, datur. id, quod etiam habetur L. 3. §. Lege Julia, ff. de testib. Et ideo sententia per corruptorum testium depositiones lata, retractari debet, L. Divus, ff. de re iudicat. & ibi Bartolus à n. 1.

1538. Hæc conclusio procedit. 1. in teste corrupto, etiam ut verum deponat, c. fin. 14. q. 5. cit. 2. in corrupto, ut non ferat testimonium, L. 1. ff. ad Leg. Julianam, de falso, L. 3. §. Lege Julia, ff. b. t. excipe, nisi deponat contra corruptum. 3. in corrupto precibus, favore, amore, metu, ut falsum deponat,

c. 5. b. t. ubi Eugenius III. præscribens, quales esse, & qualiter jurare debeant, qui super confanguinitate deponunt, ita loquitur: *quoties aliqui propter cognitionem propinquitatis separari petuntur: duobus vel tribus testibus adhibitis, qui de eadem consanguinitate supersint, vel totidem senioribus, & melioribus loci ejusdem id debet legitimè comprobari: probatio autem testium debet fieri duplice juramento, ut jurent se non privato odio, neque amictia, neque pro aliquo commodo, quod haberint, vel quod habent, vel habitur sint ad hoc jurandum inductos:* & sicut ipsi dicunt, rei veritatem accepisse à majoribus suis, & credere ita esse.

Ex quo sequitur I. qui ex testimonio dato, vel dando, commodum; aut non dato, vel non dando damnum recipit, non esse testem idoneum; intellige, si ex eo directè moveatur; dicitur enim tunc deponere in' propria causa ex L. 1. ff. quando appellandum, ibi: *palam est, eam esse propriam causam, cuius emolumentum, aut damnum ad aliquem suo nomine pertinet;* de quo etiam plura tractantur in c. si testes, 4. q. 2. Nec obstat, quod commoda Universitatis quodammodo etiam participant singuli; istud enim interesse, seu commodi participatio, non censetur esse tanta, ut in causis civilibus, præfertim non arduis, testimonium repellere possit; quia verisimile non est, quod propter commodum universitatis aliquis, maximè si Religiosus sit, aut Clericus bonæ vitæ, pejorare velit; cum negligi plerumque soleant, quæ communiter possidentur, L. 2. C. quando, & quibus quarta pars &c. sic Felinus in c. insuper, 6. b. t. n. 2.

§. 3.

An infames sint testes idonei?

A Nte resolut. not. idem esse, testes legitimos, & omni exceptione majores: dicuntur autem legiti, qui habent qualitates per leges requisitas; dicuntur omni exceptione majores, qui nullâ exceptione legitimâ, & juridicè repellere possunt. Jus enim plures statuit exceptiones, ob quas testimonium aliquis